



OLEH DR. ZAHARUDDIN
ABD RAHMAN

http://www.zaharuddin.net/

Rasuah itu HARAM!



Rasuah adalah harta yang diperoleh kerana terselesainya suatu kepentingan manusia (baik untuk memperolehi keuntungan mahupun untuk menghindari kemudharatan) yang sepatutnya wajib diselesaikan tanpa imbalan.

Di dalam sesetengah keadaan, rasuah ini hampir sama dengan upah sehingga ada orang yang cuba menyatakan bahawa 'ini bukan rasuah, tapi upah'. Pengharaman rasuah adalah jelas berdasarkan Al-Quran dan Hadis. Allah SWT berfirman yang bermaksud: "Dan janganlah sebahagian kamu memakan harta sebahagian yang lain di antara kamu dengan jalan yang bathil dan (janganlah) kamu membawa (urusan) harta itu kepada hakim,

supaya kamu dapat memakan sebahagian daripada harta benda orang lain itu dengan (jalan berbuat) dosa, padahal kamu mengetahui." (Al-Baqarah : 188)

Disebutkan dalam hadis yang bermaksud: "Rasulullah s.a.w telah melaknat pemberi rasuah dan penerima rasuah dalam penetapan keputusan (pemerintahan, pentadbiran, kehakimatan dll)" (Riwayat At-Tirmidzi, 3/622 : Imam Tirmidzi berkata : Hadis Hasan Sohih)

Takrif Rasuah dan Sogokan

Wang, derma, pinjaman, fee, hadiah, cagaran berharga, harta atau kepentingan mengenai harta, iaitu apa-apa jenis harta, sama ada alih atau tak alih, atau apa-apa manfaat seumpama itu yang lain;

Apa-apa jawatan, kebesaran, pekerjaan, kontrak pekerjaan atau perkhidmatan, dan apa-apa perjanjian untuk memberikan pekerjaan atau memberikan perkhidmatan atas apa-apa sifat;

Apa-apa bayaran, pelepasan, penunaian atau penyelesaian apa-apa pinjaman, obligasi atau liabiliti lain, sama ada keseluruhannya atau sebahagian daripadanya;

Apa-apa jenis balasan berharga, apa-apa diskaun, komisen, rebat, bonus, potongan atau peratusan;

Apa-apa perbuatan menahan diri daripada menuntut apa-apa wang atau nilai wang atau benda berharga;

Apa-apa jenis perkhidmatan atau pertolongan lain, seperti perlindungan daripada apa-apa penalti atau ketidakpuayaan yang dikenakan atau yang dikehtutiri atau daripada apa-apa tindakan atau prosiding yang bersifat tatatertib, sivil atau jenayah, sama ada atau tidak sudah dimulakan, dan termasuk penggunaan atau menahan diri daripada menggunakan apa-apa hak atau apa-apa kuasa atau kewajipan rasmi; dan

Apa-apa tawaran, aku janji atau janji, sama ada bersyarat atau tidak bersyarat, untuk memberikan suapan mengikut pengertian

Jenis Kesalahan Rasuah

Berikut adalah beberapa bentuk kesalahan rasuah secara umum :-

Meminta/Menerima Rasuah

Mana-mana orang atau ejen secara rasuan meminta/menerima/ bersetuju menerima suapan rasuah (wang/benda/ perkhidmatan dan lain-lain) sebagai dorongan atau upah untuk melakukan atau tidak melakukan apa-apa jua berkenaan transaksi tersebut atau berkenaan dengan urusan rasmi, prinsipal/majikan berkenaan.

Menawar/Memberi Rasuah

Mana-mana orang atau ejen secara rasuan meminta/menerima/ bersetuju menerima suapan rasuah (wang/benda/ perkhidmatan dan lain-lain) sebagai dorongan atau upah untuk melakukan atau tidak melakukan apa-apa jua



berkenaan transaksi tersebut atau berkenaan dengan urusan rasmi, prinsipal/majikan berkenaan.

Membuat Tuntutan Palsu

Mana-mana orang memberi kepada ejen, atau ejen memberi kepada prinsipal/majikannya, suatu dokumen yang diketahuinya atau disedarinya mengandungi butir matan palsu, yang mana prinsipal / majikannya mempunyai kepentingan, dengan tujuan untuk mengeliru/memperdayakan prinsipal/ majikannya.

Menyalah guna Jawatan/ Kedudukan

Mana-mana pegawai badan awam menggunakan jawatan atau kedudukan untuk mendapat suapan membuat apa-apa keputusan atau mengambil tindakan berhubungan dengan apa-apa perkara mengenainya, di mana pegawai itu, saudara maranya atau sekutunya ada kepentingan secara langsung atau tidak langsung.

Rasuah Sebagai Pengkhianatan

Bagi sesiapa yang bekerja di sektor perniagaan dan politik terutamanya, saya kira tidak sukar untuk menemui atau mendapati salah satu antara empat kategori tadi berlaku.

Ingatlah sekali lagi beberapa

"Dan janganlah kamu makan harta orang lain di antara kamu dengan jalan yang bathil, dan janganlah kamu mengeluarkan harga kamu (memberi rasuah) kepada hakim-hakim supaya kamu dapat mengambil sebahagian daripada harta orang dengan cara berbuat dosa, pada hal kamu mengetahui salahnya."


penekanan Islam berikut :-

Nabi Muhammad s.a.w bersabda : "Barang siapa yang telah kami ambil untuk melakukan sesuatu kerja, dan telah ditetapkan baginya sesuatu rezeki (gaji atau upah), maka apa yang diambilnya selepas itu adalah gholul (pengkhianatan)" (Riwayat Abu Daud, no 2943, Albani : Hadith Sohih ; Ma'alim as-Sunan, Al-Khattabi, 3/8 cet Dar Kutub Ilmiah)

Nabi bersabda kepada seorang gabenornya yang telah ditugaskan mengutip zakat Kabilah Azad, maka apabila ia selesai kerjanya dan kembali berjumpa Nabi, lalu ia menyimpan sebahagian dari wang yang dikutip sambil berkata: "Ini untukku (bahagian untuk Islam) dan ini untukku yang diberikan sebagai hadiah (oleh orang ramai), maka jatuh muka Baginda sambil bersabda : "Ketahuilah, pergilah kamu duduk di rumah bapakmu atau ibumu, sehingga datang kepadamu hadiahmu, jika kamu benar-benar betul (layak mendapat hadiah)" (Al-Bukhari & Muslim)

Di dalam sebuah riwayat disebutkan bahawa Rasulullah s.a.w disebut Abdullah bin Rawahah berangkat ke Khaibar (daerah Yahudi yang tunduk kepada kekuasaan Islam) untuk menilai hasil buah kurma di daerah itu kerana Rasulullah s.a.w telah memutuskan bahawa hasil bumi Khaibar dibahagi kepada dua; separuh untuk kaum Yahudi sendiri, dan yang separuh lagi diserahkan kepada kaum Muslimin.

Ketika Abdullah bin Rawahah sedang menjalankan tugasnya, orang-orang Yahudi datang kepadanya membawa berbagai perhiasan dan berkata kepada Abdullah:



Nabi Muhammad s.a.w bersabda :
"Sesungguhnya kebinasaan umat-umat sebelum kalian adalah jika orang yang terhormat daripada mereka mencuri, mereka membiarkannya, tetapi jika orang bawahan mereka mencuri, mereka potong tangannya. Demi Zat yang jiwaku ada di tanganNya, seandainya Fatimah binti Muhammad mencuri, nescaya akan aku potong tangannya!"

"Perhiasan ini untuk anda, ringankanlah kami dan berilah kepada kami lebih dari separuh," Abdullah menjawab, "Wahai kaum Yahudi! Demi Allah kalian memang makhluk Allah yang paling aku benci. Apa yang kalian lakukan ini justeru membuatkan diriku lebih membenci kalian. Rasuah yang kalian tawarkan itu adalah barang haram, dan kami kaum Muslimin tidak memakannya!" Mendengar jawaban tersebut mereka (Yahudi) berkata, "Kerana (sikap) inilah langit dan bumi tetap tegak!" (Imam Malik, Al Muwattha':1450).

Rasulullah s.a.w bersabda :
 "Hadiah yang diberikan kepada para penguasa adalah suht (haram) dan rasuah yang diterima hakim adalah kufur" (Riwayat Ahmad).

Oleh yang demikian, tidak kira sama ada itu adalah rasuah mahupun hadiah, kedua-duanya adalah jelas-jelas haram di dalam Islam. Semua harta yang diperolehi dari jalan rasuah adalah haram, menyimpannya adalah haram, membelanjakannya adalah haram.

Justeru, setiap penerima, pemberi dan perantara yang terlibat di dalam keharaman ini wajib dihukum, dan hukuman ke atas mereka adalah ta'zir.

Ta'zir yang berat perlu dikenakan kepada pesalah-pesalah ini agar ia benar-benar menjadi pengajaran bagi mereka dan menjadi pencegah kepada umat Islam lainnya. Dengan tidak diterapkannya sistem uqubat Islam pada hari ini, kita menyaksikan mereka yang terlibat dengan kes rasuah masih mampu senyum dan kelihatan tenang semasa menghadapi percabaran di mahkamah dan langsung tidak kelihatan rasa kesal dan takut pada wajah-wajah mereka dengan kekejian yang mereka lakukan.

Bahaya bersekongkol dengan Perasuah, Berdosa!

Menurut hukum Islam, individu yang mengetahui wajib ke atasnya untuk melaporkan kepada pihak berkuasa. Jika tidak, ia dikira bersubahat dan turut mendapat dosa hasil menyembunyikannya. Penyembunyian atau membiarkan gejala ini berterusan di sekeliling kita akan memberikan kesan buruk kepada Islam, syarikat, organisasi dan Negara. Akhirnya, semuanya akan terkesan dan merudum jatuh.

Malangnya, saya pasti senarai sebab-sebab berikut merupakan antara halangan utama seseorang yang mengetahui atau punyai maklumat dari melaporkannya :-

▶ **Tidak punyai bukti bertulis** atau jika ia miliknya sekalipun ia tergolong dalam kategori dokumen rasmi. Jika didedahkan si pelapor pula yang akan ditangkap di bawah Akta Rahsia Rasmi (OSA).

Masalah ini mestilah diselesaikan oleh pihak berkuasa jika benar-benar serius dalam usaha membanteras rasuah.

▶ **Tidak sampai hati** untuk melaporkan kerana mereka yang terlibat adalah rakan dan kenalan rapat. Bagi sesiapa yang terlibat dalam kategori ini, sedarilah anda turut berdosa kerana bersubahat.

▶ **Bersikap tidak peduli** yang berpegang dengan falsafah 'lantak hang ia, asalkan dikira libat aku, sudah'. Ini juga dikira berdosa di dalam Islam.

▶ **Malas untuk terlibat** dan ulang alik ke mahkamah untuk keterangan di sana dan di sini. Sepatutnya, tiada malas dalam menjalankan tugas memerangi

mungkar dan kemaksiatan. Malas begini menandakan hati yang semakin 'mati' daripada iman.

▶ **Takut diri sendiri terjerat** apabila kerahsiaan dirinya sebagai pelapor tidak dijamin selamat. Ini juga perlu diselesaikan oleh pihak berkuasa. Tanpanya, semua hanya akan berdiam diri.

▶ **Kurang yakin kepada pihak berkuasa. Bimbang pihak berkuasa juga akan dirasuah** hingga akhirnya si pelapor pula yang dibuang kerja atau diambil tindakan. Pihak berkuasa perlu berusaha meningkatkan keyakinan masyarakat kepada mereka. Keyakinan tidak boleh dipaksa-paksa, ia akan datang dengan pembuktian tahap kesungguhan mereka.

▶ **Takut kerana individu yang terlibat rasuah** itu punyai 'cable', jawatan tinggi, hebat dan besar. Bagi keadaan ini, ia adalah tanda kehancuran sedang menanti bagi Negara yang punyai keadaan ini.

Nabi Muhammad s.a.w bersabda :
 "Sesungguhnya kebinasaan umat-umat sebelum kalian adalah jika orang yang terhormat daripada mereka mencuri, mereka membiarkannya, tetapi jika orang bawahan mereka mencuri, mereka potong tangannya. Demi Zat yang jiwaku ada di tanganNya, seandainya Fatimah binti Muhammad mencuri, nescaya akan aku potong tangannya!"

Kesan Buruk Dari Rasuah

Rasuah adalah haram di dalam Islam disebabkan kesan yang dibawanya ke dalam sesebuah masyarakat dan Negara. Saya tidak berhasrat untuk menghurai panjang dalam bab ini, cukuplah dinyatakan isi utama yang



sempat difikirkan. Sebagai huraian ringkas ia seperti berikut :

▶ **Jajan Mudah ke Neraka.** Bagi Muslim khususnya, rasuah mencecahkan peluang seseorang untuk ke Neraka.

▶ **Menghancurkan keadilan dalam masyarakat.** Tiada lagi jaminan penjagaan harta, maruah, nyawa dan diri seseorang. Semuanya boleh dibeli.

▶ **Melahirkan masyarakat yang tiada kemahiran dan skill.** Jumlah masyarakat yang cekap, mahir dalam tugas dan ilmu akan berkurangan kerana 'skill' dan ilmu kemahiran semakin tiada erti lagi, yang lebih bererti adalah siapa lebih cekap menyogok.

▶ **Muncul masyarakat yang pentingkan diri sendiri.** Masing-masing memikirkan diri mereka semata-mata tanpa memikirkan kesan buruk terhadap mangsa bagi jangka pendek dan Negara bagi jangka panjang.

▶ **Menghasilkan hasil kerja yang buruk.** Membahayakan keselamatan dan keharmonian. Kontrak kerja yang diberi secara rasuah kepada pengusaha yang bukan kerana merit tetapi kerana sogok, mendedahkan bahaya kepada orang ramai disebabkan kerjanya tidak berkualiti.

▶ **Kos pengurusan akan meningkat.** Semua syarikat pengusaha baru terutamanya semakin sukar berkembang akibat kos meningkat kerana peruntukan kos rasuah diperlukan.

▶ **Pengurusan pentadbiran menjadi lewat dan lembap.** Pengurusan segera melengahkan kerja kerana menunggu rasuah tertinggi. Pertambahan proses birokrasi juga boleh menambah kelembapan, kerana mungkin semua tahap pegawai inginkan rasuah terlebih dahulu sebelum memproses permohonan dan lain-lain.

▶ **Muncul si jahat yang bertambah jahat.** Kaki makan rasuah menikmati hasil rasuah dan memberikan keluarga makan harta rasuah. Justeru, Seluruh keluarganya bakal menjadi kaki rasuah di setiap sektor selepas ini. Maka bertambah si jahat dan yang telah jahat akan semakin bertambah jahat.

▶ **Dalam hati mereka ada penyakit, lalu ditambah Allah penyakitnya**
 "Maka sesiapa yang membiarkan perutnya dan keluarganya diisi dengan hasil rasuah Tanpa taubat yang sebenar, Allah SWT akan membiakkan lagi peluang dan ruangnya untuk menjadi orang yang celaka, dan mendapat keluarga yang bakal runtuh, kecoh dan hancur. (Al-Baqarah: 10)

▶ **Menyebabkan pembahagian kekayaan yang tidak seimbang.** Kaya bertambah kaya dan miskin bertambah miskin. Yang miskin sukar memperbaiki dirinya kerana tidak punyai 'cable' yang baik, wang yang tidak mencukupi. ❌

BENTUK-BENTUK HADIAH

Ibnu Rusd dalam bukunya 'Bidayat al-Mujtahid telah menyebut bahawa hadiah terbahagi kepada dua bahagian iaitu hadiah berupa barang dan hadiah berupa manfaat. Hadiah dalam bentuk barang ini pula terbahagi kepada dua bahagian iaitu yang menagih balasan daripada penerima dan tidak menagih balasan. Jika pemberian hadiah itu mengharap balasan, maka sama ada ia mengharap balasan dari Allah (SWT) atau dari makhluk-Nya (ibn Rusd 1408H 2:330)

